

## BOHCCO NJOAROSTEAPMI

Anárašalmmái njoarosta gitta miesi giđđat. Son áigu merket miesi iežas merkii.

## DUHKORASBOHCCO NJOAROSTEAPMI

Maid stuorábut ovddabealde, dan uhcibut maŋis. Gánda geahččaladdá duhkorasbohccuiguin njoarostandáidduidis. Sus lea rivttes suohpan ja son lea jo viehka čeahppi. Nierat vel ruoksájit go son lea nu movtta.

## SÁIMMAID SUOHPPUN

Vulggiimet suohpput sáimmaid jos vaikke guolit lihkadivčče ja oččošeimmet vuoššanguliid. Geavahit govddahassan guoros sáktalihti.

## GUOLI RENSKEN

Guolli lea njálgga borramuš, muhto vuos galgá rensket guoli.

## ČIERASTALLAN

Lásse čierastii várrevieltti vulos nu garra leavttuin, ahte čeabetliidni dušše libardii ja muohta velá soiccistii su maŋábealde.

## ŠLIVGUN

Mihkku bálkestii rehpo sealgái ja manai gáddegeđggiid ala šlivgut. Son ii ožžon vuosttas šlivgemiin guoli ja rulle dál siimma ja áŋkora bajás čázis.

## JOGŊEN

Áile-eadni válddii Mihkku-gánda fárrui jogŋet. Dál sudnos farggabáliid lihtti dievvá ja ferteba vuolgit ruoktot. Jonat leat buorit vaikkeba varraborramušain dahje biđđosiin.

## GÁPMAGIID SUIDNEN

Ovdal geavahedje nuvttohiin gámasuinniid. Dalle ii dárbbášan suohkuid olláge ja juolggit bisso goikkisin ja liekkasin. Suoinnit maidái goike jođánit ja ledje dange beales buorit.

## ANÁRAŠGÁKTI

Ánná ja Kaabi leaba mannamin álbmotbeaiávvudemiide. Sudnos leat anárašgávttit badjelis.

## VUODDAGIID ČUOLDIN

Eadni lea čuoldimin vuoddagiid. Sus leat ulloláiggit, geahpa ja njuiku. Son lea čeahppi čuoldit vuoddagiid.

## SARREMIN

Leena lea sarremin. Sus leage fargga jo eappir dievva. Son čohkká sarremiestaga ravddas, čoaggá sarridiid ja lea áibbas goalki.

## ČOLLEN

Guliid galgá viehka jođánit čollet, ammes guliid cuohppa billašuvvat. Čollen lea viehka suohtas dan dihtii, ahte seamma háve oaidná maid guolli lea borran, leago dat buoiddes vai silis guolli ja omd. njága ja hávgga vuoivasis sáhtá einnostit.

## SÁIMMAID GEASSIN

Dál gessojit sáimmat. Gal dáppe guolli lea, vaikke sáimmat leatge vehá njivlon.

## ČUOIGAN

Dálvit lea somá čuoigat. Čuoigamii dárbbášuvvojit sabehat ja soappit. Go čuoigá, de šaddá láhttu.

## SÁIMMAID OAHPPAN

Bođiimet sáimmaid oahppat. Gal lea álki oahppat, go Lásse lea nu čeahppi suhkat, muhto guolit eai leat lihkan, go eat leat ovttage guoli vel ožžon.

## MEARKUN

Áddjá gávnnai iežas álddu, man geažotbeallji čuovui. Son oaččui geažotbealje gitta ja lea dál merkemin buvkkuin miesi beljiid.

## SÁIMMAID ČIKTIN

Áhčči lea čiktimin sáimma. Guolli lea gaikkodan ráiggi sáibmii ja dan ferte divustit čiktimiin. Divvumis geavahuvvo geahpa ja árpu.

## OHCEJOGA GÁVTTIT

Ellen ja Beahkká leaba anáraččat, vaikke sudnos leage Ohcejoga gávttit badjelis. Soai leaba riegádan Idjajávrris.

## JUOKŃASIID OAHPPAN

JuoŃasteapmi lea okta dálveguolásteami vuohki. Dalle sáimmat leat jienja vuolde ja dat ohppojuvvojit gáldus.

## JIENJA ALDE OAGGUN

Heaika čohkká jienja alde oaggumin. Son lea bovren ráiggi jiknjii ja bidjan máđu áŃkorii ja dál son vuordá, ahte dohppego guolli.

## LUBMEN

Jusse lea gávdnan hui buorre luomejeakki. Son lea jo čoaggán ovttá eappira dievva luopmániid ja dál son lea jo čippiid alde čoaggimin nuppi lihtái.